



26. januar 2015

UPA2015/52

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imattoq matumuuna saqqummiuppara:

Apeqquteqaat aallaavigalugu oqallisissatut siunnersuut, qanoq aaqqisuussinikkut nunatsinni inuiaqatigiinni sapinngisamik pitsaanerpaamik meeqqat suli atualinngitsut illoqarfinni nunaqarfinnilu paaqqutarineqarnissamik pisariaqartitsisut ulluunerani paaqqinnittarfinni angerlarsimaffinniluuniit paarineqarnissamik neqeoorfingeqarsinnaanersut pillugu.

(Inatsisartunut ilaasortaq Hans Enoksen, Partii Naleraq)

Tunngavilersuut:

Tamatta anguniarparput meerartatta meeraanermanni pitsaasunik atugassaqartinnissaat, minnerunngitsumillu toqqisisimanartumik ineriertornissaat.

Nunatsinni sumiiffinni amerlasuuni meerartatsinnut paaqqinniffissanik amigaateqarpugut, minnerunngitsumik isorliunerusuni - illoqarfinni nunaqarfinnilu.

Naalakkersuinikkut aalajangiunneqareerpoq meerartagut suli atualinngitsut pisariaqartumik ulluunerani paaqqinniffissaqartinneqarnissaat isumannaarneqassasoq, inatsisitigut meeqqap qitiutinneqarnissaanik siunertaqarnerput eqqortikkumallugu.

Kisiannili periarfissaq taanna sumiiffinni amerlasuuni atortinneqanngilaq, aammalu angajoqqaat suliffeqarusukkaluartut angerlarsimaannartariaqartarput toqqisisimanartunik paaqqinniffissaqartitsinnginnej pissutigalugu.

Pissutsillu taamaattut atuupput naak Naalakkersuisut Meeqyanut suli atualinngitsunut perorsaanikkut inerikkiartuutasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq tunngavidalugu assersuutigalugu pisussaatinneqaraluartut “*Meeqyanut ulluunerani neqeroorutit nutaamik ilusillit inerisarnissaat, taakkununnga ilaallutik nunaqarfinni pissutsinut naleqqussagaasumik allaanerusumik meeqyanut ulluunerani neqerooruteqartarneq*” ingerlatsinissamut. (§4, imm. 2, nr. 2).

Assersuut ataaseq tassaavoq nunatta avannaani aalisarnikkut ukiuni makkunani annertoorujussuarmik ineriartorfiusumi meeqqerivinnik amigaateqartoqarnera, naak naalakkersuinikkut aalajangertoqareeraluartoq meeqqat tamarmik naammagi-nartumik paaqqinniffissaqartinnejqassasut.

Imaalissanngilarmi, kommunit aningaasarsiornikkut ingerlalluartut kisimik ulluunerani paaqqinnittarfinni angerlarsimaffinniluunniit paaqqinnittarfinni inissanik neqeroorute-qarsinnaassasut.

Taamaattumik oqallinneq aallartittariaqarparput, qanoq iliornikkut meerartagut perorsaanikkut pitsaanerpaamik aaqqissuussaasumik ineriartornissaminnut periarfissa-qartilissanerigut eqqarsaatigalugu, meeraq nunaqarfimmiuuppat imaluunniit illoqarfimmiuuppaat apeqqutaatinngu.

Naalakkersuinikkummi aalajangernigut tamatigut malitseqartinnejqartassapput.

Oqallilluarisi.